

2 Timoti

¹⁻² I dere asęta, Kótóné ama tuęre ala sya fu-raalu, dotonale *aposel* whị Pol-né dapó. Yalo hosaa mole naale Timoti ya paae Aya Kótóró Tale Yesu Kerisotamo tuámó kaaróló wou betere kọlené sukuturaalu hẹle tao sere alakélé, hosaa muni deyóló mo dua betere alakélé, ya tuámó muó tanópóló yae.

Talené fo aqmó sukóló bitu erótu betae ere fo

³ Yalo ayarape deale whịrape me dowi ala ini, tuę wisi muluraalu, Kótóné ama ala eraté wale kaae, mió yalokélé Yesu Keriso tuámó mo ti betere bete mulapóló kisipa mutu, ẹ ama kutó i dirótu betere ape.

Tétu dẹtamokélé, dikitamokélé, ya kisipa keteréni, momatóró yó taruraalu, Talepaae mo kée dapó.

⁴ Naao kelemó dorowou betere wole kaapemó kisipa mutu, ẹ haịné sukai ya kẹle wolée i du betere ape.

⁵ Yalo tuę mutupa naao tuę tiki tiratere alata, tómó ini, folosóró naao ausere Lois-ró naao hae Yunis-tamo tuámó iru yale kaae, mió ya tuámókélé mo atérápóló kisipa mutapó.

⁶ Atérapa, naao tikimó yalo naase mulale sukamó Kótóné yapaae melale ala mo hẹle muaqsórópa, si mi holópóló flitu dere kaae, mo doa ketekẹ buóló erótu betaasepóló, ma fo i dapa wosae.

⁷ Ti noatepae, Kótóné dā melale kepe beteta, wiratere kepe ménitei, dā mo halaaiyóló, yaala sókó fole ala yóo, dā tuámó kae kae mole kisipa tiki ḥasókó fóló dowi ala yaqsóró, mo wisiyóló tēteróló kaae tawóo yópóló, fotokq bole kepe wisi melalepó.

⁸ Térapa, so whi feané keletómó dā tēteróló kaae tare Talené ala etérópóló yó móturaalu, halaainé erótu betae. Ama ala erótu betepa, *dipula* bemó beteró betere whi ę kilitukélé hale yaqse. Tēni, kale mió i wosetu betere fo wisi yó mótu betepa, ę su betere sekę kaae mené yapaaekélé eratepa, belée tawae. Ti ai sere sekęta, Kótóné damopaae mótu betere fotokq tuámó betepa, ti sumó benérápó.

⁹ Ti ai sekéné amatei dā aluyaqsóró tao sóró ama kae beteró betere so whi beterópóló ą beterepaae ape yaleteita, ti dāné me wisi ala dere kolóló initei, Kótóné ama mo eraalopó yóló muló betere ala sya furaalu, ḥale hamokoróló tao salepó. Dā atéró Yesu Keriso tuámó betepa melale ḥale hamokoróló tao sere alata, i haeró sātamo aleyaaipatei meló beterápó.

¹⁰ Ai alata, dā tao sere whi Yesu Keriso wale sukamó ḥakeamó eratepa, so whi feané kelalepó. Ti ai sekénéta, sukutere ala ama sóró mo ti aluróo, mo ti betó tawaaire ala dę tuámó mupa so whinė kolóo yópóló, mió i wosetere kisi fo wisi yó mótu betereteiné ḥakearalepó.

¹¹ Mió i wosetu betere kisi fo wisi kae kae be huluamó betó mole so whinė wosópóló Kótóné fo i ape yóló yó melóo, bete mole fokélé yó melóo yópóló, amatei ę dotęyaaairaaalu sóró beteralépó.

¹² Atétu betere alamó ę seke su betepatei, wiyóló haletere alakélé dumipó. Ti noatepae, ę tué tiki tiróló betere sekéta, yalo mo diriyóló tuérapó. Atéru, mo hotowayóló kaae tawae yale ala mió i betere alimókélé amatei kaae taté fóló, take kemene fole sukamókélé ama mo sümó kaae tanérapóló kisipa mutapó.

¹³ Yalo yó matepa wosale fo mo diriyóló tué mulu, naao yó mótukélé ai fo kaaetóróti yó mótu betae. Atéró yó móturaalu, Yesu Keriso tuamó bitu, kisipa tiki tiratere alakélé, yaala sókó fole alakélé, yó tawae.

¹⁴ Mené yapaae wisiyóló kaae tawae yóló melale ęla wisi me ala yaqsóro da tuamó betere Dęi Kepe Wisiné ya fotokoratepa, mo hotowayóló kaae tawae.

¹⁵ Esia hae kwiamó betó mole whırape feané ę taaróló fupa, Fikelus-ró Hermosenes-tamokélé ę taaróló feletei naao ai tuére ape.

¹⁶ Onesiporus-ró ama be whıtamopaae Tal-ené kolené sukóló tao sere ala erópóló yae. Ti noatepae, ę *sein* képiné dokóló *dipula* bemó betepa kilitu, atima wiyóló hale ini, wisi ala eraté fu betepa, ę kisipa feléyóló betalepó.

¹⁷ A Rom be huluapaae wóló, ę momó beterérópóló kelaai kikitu wikélé ó hókélé ini, mo ketekę buóló keketé kutu beteró nalo ę kelalepó.

¹⁸ Take Tale waaire be demó ama kolené sukóló tao saaire ala wisinaale apaae erópóló yae. Dąmo Epesus bemó betepa, ama ę tao suraalu, kae kae ala eraletei naao ai tuére ape.

2

¹⁻² Térapa, Yalo naale-ó, Yesu Kerisoné hãle hamokoróló tao sere ala tuámó fotokq buóló betae. Atéró bitu, so whi feané keletómó yalo yó mótu betepa wosale fo naao mepaae mo wisi ala yó tare whirapepaae i kale fo wisi mo wisiyóló kaae tawae yóló sóró beterae. Ti ai whirapeta, hãle whirape meitei, mo so whipaae Kótóné fo yó melaai mo sure whirapetóró sóró beterae.

³ Dãta, Yesu Kerisoné sóró beteró betere diki tare whi wisirape su betepa, sekei ala wapakélé me ɔla meipa, damo betámó titiyóló bitu, hãle belée tawae. I haemó betó mole diki tare whirapené dere ala tué muae.

⁴ Atima teteróló kaae tare whiné kisiipa tiki feléraaire alatóró yó taru, mo so whiné kae kae du betere alatamo hosekéyóló dumipó.

⁵ Atétu dere kaae, mepaae whirape sururu yóló furaalu, i yae yóló muló betere fo wisiyóló sya fenitepata, ti kale folosóró fole whirapené derótua dere topo tao saalomeipó.

⁶ Kutó dituraalu, depe tukó wei ala du betere whinéta, folosóró ɔlumé dere ɔla amapi senérápó.

⁷ Yalo i dere fo bete wosóló, noa fo betené dérópóló kisiipa tekeyae. Atétepata, ti ai forapené bete Talené yapaae yó melaalopó.

⁸ Yalo i yó mótu betere kisi fo wisita, kale Depit-né deté wale whi Yesu Keriso sukóló momó kepaayóló beterapóló du betere fo mo diriyóló wosóló, kisiipa muae.

⁹ Ai fo erótu beteremó, ɛ mo dowi ala yale whi kaae *sein* képiné dokóló *dipula* bitu, mo seke su

beterapó. Téretei Kótóné fota *sein* képiné dokóló munipó.

¹⁰ Atérapa, Kótóné sorokó su yóló kae beteró betere so whirapeta, Yesu Kerisoné tao sóró mo ti betó tawaaire dę tuamó beterópóló kisipa mutu, ę kae kae sekei ala sótóro tarapó.

¹¹ I dere fota, mopóló kisipa tiraaire fopa wosae. Dą ątamo sukutepa, ti dą momó kepaayóló ątamo betamó betaalopó.

¹² Mió i betere alimó dapaae sekei ala wapakélé, hepée taae faróló fupa, ti take nalo waaire alimókélé, fea ala fea ama kaae tare kaae, dakélé ątamo betamó bitu, teteróló kaae tawaalopó.

Dąnéta mo ą tuęnipó depa, ti amakélé dapaae diakélé ą tuęnipó fo yaalo ai ape.

¹³ Dąnéta mo ama ala erótu beteretei hýyóló taalatepa, ti ama dąné dere kaae yaalomeitei, ama yó tare ala hąle yótóro tawaalopó.

Ti noatepae, ama ere ala amatei doróló me kae ala enénipó. Ama du betere ala wisitóro hąle yó tarapó.

Kótóné ama kutó diratere whi wisipó yópóló kutó wisiyóló dirae ere fo

¹⁴ Kótóné fo wisi erótu betere so whirapené kisipa ketaaqsóro yó maté fu betae. Tétu, hąle mo sawa fomótei doasi bete mole fo nisiyóló alale sóro u só derótu i só derótu yaqsóro, Kótóné keletómó mo dirii ma fo du betae. Ti noatepae, atei bete munire fo wosetere whirapené kisipa tiki dorótu beterapó.

¹⁵ Naao Kótóné kutó ditu beteretei, hoko dirateremó haleyaqsóró, mo bete mole fo wisi donotóró yó mótu betae. Atétepa, Kótóné naao ai ditu betere kutó wisiyóló kaae kolóló mo whi wisipóló dukiraterere fo yópóló, mo doa keteke buóló erótu betae.

¹⁶ Kótó sisópaae eróló, hãle hoko forape wosaaitapóló faqse. Ti noatepa meipó. Atei fo du betere so whita Kótó kisipa keteróló sisópaae mulóló mo ti aluraté faalo ai ape.

¹⁷ Ai whirapené yó matere fota, dowi humu fakeyóló kelaaté furaalu, whiné tiki turó dorótu dere kaae, so whi feané kisipa tiki mo ti doraalo ai ape.

¹⁸ Ai fo yó mótu betere whirapekó Haimenia-sisró Piletus-tamo kale mo fo wisi taaróló ai fele ape. Ti atimaamoné etei fo du beterapó. Dã Keriso so whita, take kepaayóló beteretei, momómo kae kepaayaalomeipó du beterapó. Atétere foné mepaae so whiné tué tiki tiró betere ala mo dorótu beterapó.

¹⁹ Tétepatei, Kótóné mo ti muó tawaaire bete tukóló muló betere kapo fake tómótei i fo aseýóló muló beterapó.

“Talené ama naale senaaleta, ti amatóró tuérapó.”
Fo me i ape.

“Talené ama ala erótu betere so whi feata, ti ama so whipa, dowi ala mo taaróló kae betae.”

²⁰⁻²¹ Beta néli whiné ama doakale tene be dolomó, *kold kaparó silpa kapatamoné* aleale wisi wisi ɔla muóo, mepaae mo ni fakeró haetamoné aleale ɔla ɔlakélé muóo, erapó. Atére ɔla ɔla mepaae mo wisi kutó maaté diyaaairaalu bukóló

kae mulóo, mepaae ɔla ɔla, ti haɓe hoɔko kutó diyaai saaitapóló kae mulóo, dua dapó. Mepaae whi dené haɓe bete munire ala sisópaae mulóló, me alakélé munipa, ti mepaae kae kae wisi ala ai whiné sũmó eranérapóló kisipa mutu, Talené taleyóló kae beteró beteratapó.

²² Teó so whiné ekeɓe yóló du betere dowi ala yapaaekélé eraqsóro, mo hotowayóló kaae tawae. Atéro, Kótóné so whi atima hosaa tuámó mo wisi kisipa betá mulu, Talepaae momatu betere so whitamó yaɓkélé betámó bitu, mo donoi alamaaté yó tawóo, tué tiki tiratere alakélé yóo, yaala sókó fóló hosaa muni deyóló dua betóo iru, ketekeɓ buóló eraté fu betae.

²³ Topo doyóló okokoi kisipa mole whirapené u só derótu i só derótu dere kaae momókó yaqse. Ti noatepae, atétere alané hoɓe sere ala kaarótu beteretei naao ai tuére ape.

²⁴ Ti atei kaae ala Talené kutó diratere whiné dere ala meipa, mo yaqse. Téní, so whi featamo mo dua naameyóló bitu, Kótóné fo wisi betá yó melatere fosó fosóre whi betae. Menétamo yapaae dowi ala eratepa, apaae kwia tokó melaai kisipa muni, mo donoi ala betá erótu betae.

²⁵ Kótóné kutó diratere whirapetamo bóe du betere whirapepaae Kótóné fo wisi mo dua naameyóló yó mótu betae. Ti ai bóe du betere alata, haɓe meipó. Satan-né ama kisipa mole ala erópóló, atima ama hemó ai daló betere ape. Atérapa, ai yó matere fo wisi woseté furaalu, Kótóné atima kisipa tiki feterópóló dua yó mótu betae.

²⁶ Atéro feteratepa, mo foné bete diriyóló

tuéturaalu momómo kisipa wisi muóló, Satan-né hemó doló mualetai sokóló hãle fópóló eraalopó.

3

Kemetere be ðemó Kótó hõróló bõe daaitere ala

¹⁻⁵ I dere fo mo diriyóló wosae. Kemeyaaitere alimó mo dowi sekei ala wapa so whi feané i alarape du betaalo ai ape. Atimatei atima yaala sókó fole ala yóo, *monimó* ekele dere ala yóo, bopé fake dere ala yóo, amatei a hale horatere ala yóo, dowi teka fo yóo, atimané hae aya aqomó sukóló bitini yóo, mené wisi ala eratepatei mo kée dere fo ini yóo, Kótóné ama kae beteró betere so whi bitini yóo, mepaae so whipaae yaala sókó fole ala ini yóo, me whitamó hõle saletei hapale kemeraaire tué muni, dowaae fole ala yóo, eratere fo yóo, atimané ekelere ala teteréni yóo, kõle dere alakélé ini, susupuratere alamaaté eróo, me whipaae wisi ala eraai tué muni yóo, mo no apu nisirutei eleké deyóló dóo, yaaitere ala kisipa tekeyóló ini hõko yóo, mené kolóló dukirópóló nene dere ala yóo, tó tikiné yaaitere ala ekele yóló duraalu, Kótópaae yaala sókó fole ala ini yóo, atima Kótóné ala eratere whirape aqrutei ai ala eraaire fotokõ meitepa, atimanétei hõyóló taaralepó. Atei ala du betere so whitamó fulumu yóló bitini tika kae betae.

⁶ Ai ala du betere whirapené wisi ala yaai tué munire sorapené bepaae kikiti dua sókó fóló kale sorapené kisipa tiki doróló i ala yae yóló yó mótu beterapó. Ti ai sorape atima du betere dowi alané atima só deróló atimané kisipa tikikélé beséné ni

upaae só fua ipaae só wua dere kaae, kae kae dowi ala yaai ekele yóló du betepapó.

⁷ Atimané kale fo wisi saalopóló su betepatei mo foné bete wisiyóló kisipa mutumipó.

⁸ Take Moses-né Kótóné fo i ape yóló yó mótu betepatei, Janes-ró Jamperes-tamoné ai fotamo bóe du bitu yale kaae, ai whirapenékélé mo fotamo bóe du bitu, dowi ala yaaire kisipatóró fāanuraalu, Talepaae tué tiki tiró betaaire ala sunipa, Kótóné atima taaralepó.

⁹ Kale u whi tamopaae yale kaae, ai whirapené hōko ala du betere bete so whi feané kolōpóló hākearatepa fōlo sukamó deté fu betaalomeipó.

Pol-né Timotipaae i ala yae yóló keteke bulale fo

¹⁰⁻¹¹ Tépatei, yālo yó mótu betere fokélé, ę betere alakélé, yālo yaai tué mutere alakélé, kisipa tiki tiró betere alakélé, seke beleté fu betere alakélé, yaala sókó fole alakélé, sekei ala wapatei hepée taae faróló hāle yó tare alakélé, susupui ala erótu betepakélé, kae kae su betere sekei alakélé, ę Antiok beró Ikoniam betamomó betepakélé, Listra bemó betepakélé, ępaae kae kae susupui ala erótu betaletei, fea naao ai tuére ape. Ai alarapené ę só deraōsóró Talené ę tao salepó.

¹² I fota mo dapó. Mepaae whi detamo Yesu Keriso tuāmó bitu, Kótóné ala eraai kisipa muóló erótu betepatei mo whirapené atimapaae sekei ala erótu betaalopó.

¹³ Ai ala erótu betere whiraperó mepaae wisi ala du betere nisi dere whirapetamo atimatei dilikitu yale kaae, atimané mo so whikélé dilikitu

beterapó. Atimané atéro du betere dowi ala mo ti faketuraalu, atima mo doraalopó.

¹⁴⁻¹⁵ Atimata ai ala du betepatei, yaṭa kaepa, yaṭapaae ai fo yó melale so whirape naao tueru atimané yó melale fo tuétóro yó tawae. Kótóné mo ama kae aseýoló muló betere fota, ya mo ketemó bitu woseté waletai naao mo tuérapó. Ti ya Yesu Kerisopaae kisipa tiki tiraté fu betereteiné aluyaqsóro ai fonétei mo tao saaire bete wisiyólo tué yópóló, yó melanérapó.

¹⁶ Kótóné asemó yólo muló betere fo feata, ama bole fomo sókó faraletéiné eró beterapó. Ti aita noa ala yópóló meipó. Kótóné ala eratere whiné kae kae wisi ala erótu beterópóló kisipa mutu, yólo muló beterapó.

¹⁷ Tétu, ai fonétei mo so whipaae yó matere ala yóo, dowi ala depa foné sere ala yóo, me hoko ala depa donoratere ala yóo, Kótóné ama donoi alamaaté mo sumó wisiyólo eraté fío enérapó.

4

¹ Kótóné kele tómókélé, ḁa betere so whiró sukale so whitamó fo tokótamo yólo tale yaaire whi Yesu Kerisoné kele tómókélé, a waaire be deró ama teterólo betere alatomomó tué muturaalu, yalo yaṭapaae i ala yae yólo dirii fo i dere ape. Kale fo wisinaaleta so whi feané wosópóló i ape yólo yó mótu betae.

² Ai fo yó melaai tukólo muló betere be demókélé, ó mo hale be demókélé, naao yó melaaire fo ali ali yaqsóro taleyólo kisipa muólo betae. Atétu, mepaae whirapené hasókó fupa donoratere alakélé yóo, me dowi ala depa taalae

yóló, foné sóró keteķe bulatere fotei yóo du betae. Atéró yó matere fo wisiyóló sya fenitepa, foné sóró hapale só deréni, dua kaae taté fu bitu, kale bete mole fo betā mo hotowayóló yó mótu betae.

³ Ti noatepae, mepaae whinė kale mo bete mole fo wisi yó mótu betepatei, so whinė wosetere hōraaire ali waalo ai ape. Ai fo wisi wosetere hōróló, atimané yaa kisipa mole ala sya furaalu, diāné yó mótu betere fo wosaalo hōróló atima woséliné eķe yóló wosetu betere fo wosaaitapóló, atei kaae fo yó matere whīrapepaae ape depa, atima fea wóló touraalopó.

⁴ Ti mo bete mole fo wisi atima wosetere hōróló sisópaae eróló, bete munire dolāa fo wosaairaaalu eķe yaalopó.

⁵ Ai alata mo du betaalotei, yāpaae kae kae ala wapa, furu furu ini, kisipa diri iruraalu ha-laaiyóló betae. Mepaae seķei ala wapakélé belée taruraalu, kale mió wosetere fo wisi betā yó mótu bitu, Kótóné yāpaae erae yóló muló betere ala fea taaréni eró tawae.

⁶ Ti noatepae, mo so whinė Talepaae momaturaaalu, kale *wain* wēi momatere kapo fake tómó sunée derótu dere kaae, yālo betere bete mió i kemeratere ape. Ti ẹ i hae taaróló faaire be de mió i sókó waaitere ape. Kale bóe dale alakélé yālo mo wisiyóló dóo, sururu yóló fóló sókó fōpóló muló betere dālemó sókó fóo, Yesu Kerisopaae tuē tiki tiratere alakélé hāle yó tawóo yalepó.

⁷⁻⁸ Téyaletiné mió yālo doimó muló betere topo tao mulapó. Ti aita hāle topo tao meitei, dā feané yale alamó fo tokótamo yóló mo donotóro taletere Talené ita, mo donoi ala du betere whī i

ape yóló melaaire topo taopó. Ti aita, yałomaaté saalomeitei, Tale waaire be de sókó wópóló kaae taté fu betale so whi feané saalopó.

Pol-né Timotipaae hapale ape yale fo

⁹⁻¹² Fo me i ape. Ya ę beterepaae hapale waasepólópó. Ti noatepae, Demas ą i haemó du betere alamó hosaa muturaalu, ę taaróló Tesalon-aika bepaae ai fele ape. Tétu, Kresens-kélé Kalesia bepaae fóo, Taitus-kélé Dalmesia bepaae fóo depa, Luk betą ętamo i betere ape. Ti Mark ąta, ę Talené kutó diratepa tao su betere whi wisipa, ya wou ą dapesó ape. Tikikas ąta Epesus bepaae fópóló, yało doteęyalepó.

¹³ Tétu, yało bukutere kuti Troas bemó yało no Karpus-tamo mupa walepa, ya wou sóró ape. Yało bopeyóló mulale ašetere sókurape sóró wou, kale hupu sekaęné aleale ašetere sókurapekélé ai mulapa, taaróló wéni, mo sóró ape.

¹⁴ Kapa diriné ąla ąla aletu betere whi Aleksandané doasi bóe dóló ępaae sekei ala eralepó. Atéyale kwiata, ąpaae Talenétei tokó melaalopó.

¹⁵ Ai sekéne dąné yó mótu betere fotamo doasi bóe dalepa, yałamokélé bóe dóló me dowi ala eraqsóró mo hotowayóló kae tawae.

¹⁶ Ętamo fo tokótamo yóló só deraai kaae sóró taleyale sukamó me whiné ę tao sere fo yaai ani, atima feané ę taaróló felepó. Atimané atei ala yale kwia Talené alurópóló yae.

¹⁷ Tépatei, Tale ętamo betámó daalu fotokó sumó bulaleiteita, kale fo wisi yało mo diriyóló eratepa Juda fake mei, kae fake so whi feané wosópóló

eralepó. Téteremó, atimané ẹ mo felekemó dóló aluraleti, Talené tao salepó.

¹⁸ Mepaae whirapené kae kae dowi ala ẹpaae eraq́sóró, Talené ẹ tao sóró ama tẹteróló betere hepen bemó ere ala wisi tuámó beterópóló, mo wisiyóló dapesó fóló beteraalopó. Ama doi betà mo doasi doi muó taté fópóló yae. Mo kée! Táyópóló yae.

Mo kemerótu kọleó yale fo

¹⁹ Prisila-ró oma Akuila-tamopaaekélé, Onesiporus-ró ama kekelé so whitamopaaekélé kọleó yae.

²⁰ Erastus Korin bemó betóo, Tropimus ẹ Mile-tus bemó heponé sukóló muóo epa taaróló walepó.

²¹ Yàta, sosóli ali waaipatei, ipaae hapale waasepóló dapó. Yupulus-nékélé, Pudens-nékélé, Linus-nékélé, Klodianékélé, mepaae Keriso norape feanékélé, yàpaae kọleó dapó.

²² Térapa, Tale naao kepe bete tuámó bitu, ama hẹle hamokoróló tao sere ala yà tuámó sùrópóló yae.

**Yesu Kerisoné So Whi Tao Sere Kisi Fo Wisi
The New Testament in the Falopa Language of Papua
New Guinea**

copyright © 2005 Wycliffe Bible Translators, Inc.

Language: (Folopa)

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2009-10-31

PDF generated using Haiola and XeLaTeX on 18 Mar 2025 from source files dated 31 Aug 2023

0102a9df-173c-5a64-b766-14ab67a86105